



JUDICIAL SYSTEM MONITORING PROGRAMME
PROGRAMA MONITORIZASAUN SISTEMA JUDISIÁRIU

Komunikadu Imprensa
Parlamentu Nasionál
22 Dezembru 2015

JSMP realiza semináriu distritál kona-ba demokrasia no partisipasaun públika iha prosesu halo lei iha Lospalos-Lautem

Iha 22 Dezembru 2015, JSMP realiza semináriu distritál iha Lospalos, Munisípiu Lautem kona-ba “Demokrasia no partisipasaun públika iha prosesu halo lei”. Partisipante sira iha semináriu ne’e mai hosi xefe suku, membru konsellu suku no membru comunidade hosi suku 9, hosi Postu Administrativu Lospalos no Tutuala ho totál partisipante ema na’in 75.

Semináriu ne’e loke formalmente hosi Sr. Roberto de Araújo, Diretór Nacional Gabinete Apoiu Sosiedade Sivíl, Gabinete Primeiru Ministru. Diretór ne’e apresia tebes servisu JSMP nian iha área justisa no konsidera importante tebes ba promove justisa no demokrasia iha Timor-Leste. Oradór sira iha semináriu ne’e mai hosi Akadémika no Sosiedade sivíl. Oradór hosi parte akadémika, Universidade Dili (UNDIL) representa hosi Dr. Julio de Oliveira ne’ebé ko’alia kona-ba demokrasia no partisipasaun públika iha prosesu demokrátiku tuir prespetiva akadémika.

Oradór hosi sosiedade sivíl, representa hosi JSMP rasik ne’ebé ko’alia kona-ba demokrasia no partisipasaun públika iha prosesu halo lei, fokus ba deskobrimentu sira.

Kestaun sira ne’ebé partisipante sira foti mak hanesan asuntu produtividade parlamentu ne’ebé menus iha servisu lejizlasaun nian hodi implika ba esbosu lei importansia sira iha PN sai pendentu, prosesu kazu korrupsaun ne’ebé involve membru governu balu no prosesu kazu krimi pasadu.

JSMP apresia tebes kolaboraun no partisipasaun autoridade lokál no membru comunidade sira iha semináriu distritál ne’e. Hasa’e koñesimentu no konsiénsia comunidade sira nian kona-ba demokrasia no partisipasaun públika iha prosesu halo lei sei kontribui tebes ba prosesu dezvoltamentu nasional, dehan Diretór Ezekutivu JSMP, Luis de Oliveira Sampaio.

Parstisipante sira mós ejize ba parlamentu atu aselera lalais esbosu lei importansia sira ne’ebe sei pendentu iha parlamentu.

Partisipante sira mós kestiona kona-ba sistema demokrasia ne'ebé nasaun Timor Leste adopta no nia implikasaun ba kultura ohin loron hodi halo ema sai la respeitu malu.

Hatan ba kestaun sira ne'ebe partisipante sira mensiona iha leten oradór hosi JSMP eslika no rekoñese duni katak produtividade parlamentu menus tanba parlamentu sira la iha programa lezislasaun nasional, dependénsia ba asesór internasionál no número asesór internasionál rasik limitadu. Relasiona ho kazu krimi grave sira nia prosesu agora sei paradu tanba tribunál sira la iha juiz internasionál atu prosesa kazu sira ne'e tuir lei. Kona-ba kazu korrupsaun, tribunál konsege prosesu ona membru governu sira hanesan ministru no sekretáriu estadu ne'ebé involve iha kazu korrupsaun no agora balun hetan ona desizaun husi tribunál.

Enkuantu kona-ba demokrasia, oradór hosi parte akadémiku hatan katak ita nia nasaun Timor Leste sei iha faze ida ne'ebé buka nia identidade demokrasia loloos atu apar ho ita nia kultura rasik.

Administradór postu Lospalos ne'ebé representa Administradór Munisípiu Lautem iha nia intervensaun iha inseramentu agradese ba JSMP hodi organiza semináriu ne'e no konsidera semináriu ne'e importante tebes tanba bele fasilita direita comunidade sira, liu-liu xefi suku sira bele hato'o sira nia krítika no rekomendasaun ba parlamentu no guvernu.

Programa ne'e realiza tanba hetan apoiu hosi Fundu Sosiedade Sivil, Gabinete Primeiru Ministru, hosi Governu Konstitusionál VI, tinan fiskál 2015.

Atu hetan informasaun kle'an liu tan favor kontaktu:

Luis de Oliveira Sampaio
Diretór Ezekutivu JSMP
Diresaun e-mail: luis@jsmp.minihub.org
Landline: 3323883 / 77810637